

福壽
長生
萬年



光緒丁未季秋
重刊於邵州署

補過山房詩草序

在心爲志發言爲詩詩也者凡以道其志也自三百篇後風雅代興名流輩出領異標新千態萬狀要皆務達其心之所之而止愛農以卓犖之才耽聲韻之學凡目之所觸情之所動往往形諸篇什以自娛嘉慶丁丑愛農奉檄來秦寓居與余洽比師事孝廉金粟山先生適余亦受業於其門因得朝夕聚首每於案牘餘暇談及風騷靡靡可聽嘗言詩以書性情若但摹擬前人面目與優孟何異吾本不敢希曩哲亦聊以適吾志而已遂出近作示余諷誦之下見其有

補過山房詩鈔

序

一

自然之趣無強合之痕不必摹宋規唐自爾章妥句適以其所作證其所論不啻符節之相合也夫詩之爲道廣矣大矣苟非才擅雕龍遽敢樹詞壇之幟况乎識同窺豹又烏測綿裏之鍼以余淺陋誠不足窺君之堂奧卽君亦豈肯自謂摘豔薰香壓倒一時哉然作者本其志以爲詩讀者因其詩以見志余兩人實有深契焉今讀補過山房全集故不揣鄙陋爰書數語於簡端亦示各言其志之意也云爾是爲序道光戊子孟秋下浣青門胡玉堂拜譔

補過山房詩草序

昔安仁作令關中而西征賦傳今愛農贊政塞北而補過詩草著豈潘氏之多才歟何學成製錦燦爛秦風今不異於古所云耶愛農氏潘名峻越之山陰人也甫弱冠筮仕得秦中少尹陳太守重其才學選爲東牀客名噪全秦甲申夏愛農由青石調任馬欄余晤坐時見其器宇不凡吐屬特雅以爲有眞名士風然猶未見其著作也乙酉秋余於滿舒亭明府案頭得詩一瓢披吟再四詢知爲愛農花晨月夕風窗雨榻登臨山水之所嘯吟也余不禁喟然曰愛農其眞

補過山房詩鈔

序

二

詩人哉然猶未窺其全豹也且夫人之器量與文采得之性天者半得之涉歷者亦半潘安之西征也越鞶洛歷邾鄆稅駕西周慨然想見成王定鼎之盛過函關至豐鎬恣觀終南華嶽之高北顧黃河之奔流與周秦漢城郭宮室苑囿之古跡未泯也而後知西京之巨麗入故府而考載籍孟堅之著述季長之撰紀劉向匡衡之經疏與其賢士大夫相唱和而後知古來之文章皆聚乎此其涉歷也遠其託興也遙故能上薄騷雅灑灑數千言以成一代之賦手鍾磔以爲爛若舒錦其是之謂乎而愛農以遙遙華胄由越

宜秦江漢以盪其胷關河以壯其氣五陵衣馬以資
其交遊八水鶯花以供其歌詠少年青雲揚風挖雅
余雖未窺其全豹而意興已悠然遠矣愛農其眞詩
人哉丙戌初愛農以補過山房詩草貽余焚檀盥
露涵泳累月讀其詩益穆然想見其爲人鍾會稽之
靈其品峻也毓浙水之秀其志清也簿書不足鞅掌
經史且以醉心其學問純也不徒振衣濯足以寫其
曠懷揮絃送鴻以抒其逸興卽此思親之章至再至
三肫然孺慕之誠流溢於抑揚唱歎之外陟岵望父
之子猶是皇華將母之臣異日賡歌股肱黼黻 皇
補過山房詩鈔 序 三

猷以仰副陳太守期許者端於是乎在余始以詩人
目之爲足遠紹安仁亦淺之乎視愛農矣書此還質
愛農竝求正於舒亭明府庶毋河漢余言是幸道光
六年丙戌歲仲春上浣隨右彭鳳時拜序

補過山房詩草序

千古詩人之所以稱雄一時垂名後世者要必有眞性情寓乎其間子焉而念夫孝臣焉而志乎忠山榛隰荅比類起興白華楊柳託物言情非必流連風景泛泛詠歌也蓋誠至卽爲至情情至卽爲至文舍情以言人則何以爲人舍情以言詩亦安得有詩哉愛農之詩何其言之切而情之摯乎余與愛農遇於咸寧官廨初未相識時愛農作宦南山翩翩年少余以爲宦中人已耳未之奇也歲丙戌愛農奉諱旋里丁亥春暮復以事來秦與余同寓青門旅邸昕夕晤對手披一編不輟聞出近作示余語多眞摯而後知乃詩人非俗吏也心甚儀之因與把臂訂交共道生平瑣事得悉愛農刳股療親顛末其事甚祕世無知者烏乎愛農直可謂孝子矣古者求忠臣於孝子之門異日釋服登朝可決其爲蓋臣而區區篇章之眞摯未足以盡愛農也余因讀愛農補過山房詩草不禁欣然而爲之序道光戊子孟夏上浣同里葉騰驥書於長安旅次

補過山房詩鈔

序

四

余嘗謂詩以道性情無情之人
不可與言詩即強附詩人之列
其詩亦斷不能之山陰潘愛
農參軍深於情者也讀姑
妃慕我之篇情深於情怙詠編
綦衿綢之句情深於唱隨賦

補過山房詩鈔

一

鷄鳴風雨之章情深於儔侶懷
古人則情深於古紀時事則情
深於時即敘宦况之在遑述
行役之艱苦及一觴一詠偶爾
消閒某水某山于焉遣興亦無
不有無限深情貫注於字句

之中流溢於篇幅之外宜其詩之
脫口而成俯拾即是無意求之而
自無不工也早歲捧檄閩中於
太華終南嶽寄磊落之槩黃
河清渭濤淪澗澗之觀無不
據之胸中抒之腕底其驚人

佳處已為二三同好繪厥英聲
摹其藻采弁之集首無俟余
言及其宦輪再出一舸浮湘
流連於美人香草之遺風益
助其把酒讀騷之逸興而詩
境為之一變而詩情為之一益

深余以治民得觀風雅者已近十
載於沅湘靈麓固生平程席之
鄉即章杜曲江亦舊日鞭笠所
及今則一瓊投老僻處龍標點
檢奚囊略無新得自念於詩
學無成當以不克自寫其情

補過山房詩鈔

三

為憾今歲初秋參軍權判渠
陽以補過山房詩草八卷馳
書索序開緘朗誦情溢於詞
蓋信詩以道性情曩日之持
論為不深必深情如參軍者
而後可與言詩也因志數言

附諸簡末以補前序之所未
備云者

道光十八年歲在戊戌重

九前一日長沙黃本驥虎

癡拜撰



補過山房詩鈔

四

補過山房詩草自序

余性耽吟詠而苦無師承弱冠客京師以貧故就微職丁丑需次關中晤前輩金粟山孝廉見如故因師事之先生工於詞賦常選諸名家詩集命余讀之余雖未得窺古人堂奧而樂此不疲雨雪之朝風月之夕未嘗少輟閒出鄙意以賦短篇此愛農詩草所由作也庚辰秋余供職漢皋公餘之下與二三知己促膝聯吟興之所之靡日不詠雖無足觀亦裒然成帙矣丙戌春余讀禮居家將歷年詩草分爲五卷時石樵丁茂才者游幕濠梁索余全集余付之而卽有皖補過山房詩鈔

自序

江之行未及取迨歸石樵已飄然遠適不知所往矣下里之詞散失固不足惜第中心所好積十數年精力而一旦付諸煙雲未免怏怏焉丁亥復到秦川僑寓青門閒居無事勉記前集僅得十分之三將就踰輪老手誨而正之其榮施當何如也是爲序道光戊子年季春中泚古越潘峻愛農氏自序於青門添竹堂卷石山房

補過山房詩草題辭

徐綺紉裳

一官早到古關西叱馭曾驅隴阪泥今日秦風畱紙
上吟來猶覺華雲低

選堦欣逢陳仲弓秦樓一笛識英雄河陽家世潘安

貌盡入先生賞鑒中

謂春田太守

至性文章血性詩動人字字入肝脾求忠作孝相關

處我愛參軍筆一枝

白頭幕府尚依人同作瀟湘且住身虎氣騰騰君必

貴他年五馬定頒春

時君丁大母憂寄幕昭潭

補過山房詩鈔

題辭

一

吉祿謙皆

心靈從不肯消磨古體今裁日揣摩詩到關中奇句
出人來江上放懷多閒居跡偶安仁似同谷傷如杜
老何司馬有情君好問一帆風雪和高歌

楊朝軫

半載論文同臭味新詩讀罷信雄才豪情大得江山

助名句都從閱歷來

惠政才名徧楚湘公餘還坐讀書牀胷中自有經綸

在豈獨珠璣富錦囊

彭桂星

破浪追風壯歲心
山程水驛客愁侵
景從游到俱懷古
事每經過且論今
縱使奇才猶抑塞
那無宿慧發
謳吟至情屢著南
陔什不僅詞成擲
地金閱詩草思親諸作情
眞語摯令人
欽佩不已

秦關引鳳燦前聞
湘嶠從戎又屬君
小試棠封權令

尹暫趨薇省藉參
軍家傳治譜河陽
縣人羨聲華嶽

麓雲想見少年曾
入幕翩翩風度播
清琴參軍少年曾遊幕美

丰姿故云

愛農參軍以庚子
嘉平月來權益陽
貳尹予以

辛丑元日會於衙
齋招飲之餘歡若
平生隨出

補過山房詩鈔

題辭

二

其補過山房詩鈔
示予觸景成詩天
然妙趣且

篇中所詠蘭山棧
道皆予三十年前
幕游之地

風景歷歷在目讀
之尤不能釋手今
老矣久疏

握管心手俱生然
於愛農之人之詩
斷不可無

詞以頌揚之爰搜
索枯腸勉成七律
二章以誌

一時相逢嘉會率
爾操觚尙祈點鐵

東陵方宗翰

栽花家世紀河陽
此際資江縮綬黃
慈惠早聞歌兩

陝廉能又見頌三
湘請纓終豎心原
壯看鏡陳平貌

異常卽日雷封膺
百里德門衍慶錫
鸞章

益水班荆識面纔熟腸渾似舊交來江山覽勝新詩
壯鸞鳳懷音善教培醅飲周郎欽雅量鯖調婁護展
奇才錦囊佳句閒中讀令我蓬心一洗開

補過山房詩鈔

卷一

三

補過山房詩草和章

奉和秋日述懷原韻

胡巖荔生

馳驅仕路久栖栖輿坐誰爲仲舉題
百里岡巒看突兀三秋風雨聽清淒
不嫌做俗拋雞肋剩有新詩播
虎谿若問臨江好光景衙前一水碧
玻璃

莫嗟跌宕廿餘年未獻文章寶劍篇
得句漫勞詞客賞乘時豈受霸才憐
車分半刺曾舒足梁挂三刀易
承肩關塞蠻荒皆閱歷西南形勢徹中邊

槐廳晉謁幸容疏公事頻來問起居
莫覩朱干兩階舞固知秦鏡一堂虛
雲林蔭處雞鳴樹溪水聲中大

補過山房詩鈔

卷

附和章

一

吠廬敬佩安邊惟不擾釜鬻應溉待烹魚

佳句夙耽性所癖雅懷何必盡人知
豈有元珠求象罔終當伯牙遇鍾期
語驚神鬼情眞處舌鼓風雷興
到時讀罷清新閒眺望晴空百丈裊游絲

丁酉重陽藍山官解晤愛農參軍辱贈佳章依

韻奉答

張錫路霞泉

由來作客不宜秋何用登高續勝遊
張翰宦情原冷淡潘安品格自風流
君從華嶽來衡嶽我住明州近
越州卻恨歸期太匆促未遑偕泛洞庭舟

補過山房詩草

古越潘峻愛農氏稿

男清恭校字

辭親日卽渡錢塘舟中口占

拜罷高堂月尙留揚帆轉眼到杭州山城歷歷千家
繞江水滔滔萬里流遊縱有方虧子職家常缺養爲
親謀可憐兩岸垂楊柳難繫征人破浪舟

五人墓

再拜五人墓慷慨慕前哲千古仰英風近代尤感激
君不見前明逆瑞肆凶威士庶衣冠遭塗滅委鬼茹
花勢已成朝廷左右無忠烈詎意吳中有五賢身如

補過山房詩鈔

卷一

一

草芥心如鐵奮然仗義救忠良奸黨邪謀鋒已折九
鼎幾如一線危綱常賴此不致絕我今墓下獨徘徊
滿壁詩詞徒哽咽正氣塞乎天地閒殷有三仁明五
傑

揚子江遇風

兀坐扁舟裏波濤意外逢長江紅日隱古寺白雲封
塔影驚飛鳥潮聲起臥龍乘風宗懋志何處覓遺蹤

登金山寺

獨步江天寺山河一望通霸圖今已矣王氣久成空
騷客情無限遊人意未窮登臨何寂寞回首夕陽紅

晚泊燕子磯

長天秋水映葦葭燕子磯頭日又斜不是當年桃葉渡隔江猶唱後庭花

舟出建康訪小獻上人不值

尋僧不遇又尋詩布襪襍鞋信所之領畧六朝山色好江干不枉泊多時

關山途次作

自別鄉關後遙瞻客路迷空山騎瘦馬殘月聽寒雞雨霽長虹現雲開遠岫低濠梁遙在望蹤跡認鴻泥

濠上吟

補過山房詩鈔

卷一

二

我家本越州寄居在江左生我於濠梁期望非小可浩浩罔極恩終身敢負荷大母愛童孫朝夕抱膝坐及至射策年尙覺嬌無那習久成自然性情耽玩情詩書未能諳衣裘空穿破流光駛隙駒瞥眼成老大原想學鵬搏誰甘轉驢磨頑鈍別無能此面應受唾天地一廢人無有甚於我何以娛雙親思之淚交墮疊歲遇凶年家事益叢脞商量返故園計安行亦果差喜俶裝早侍親同就道終日歷風霜都云歸去好迴憶父身孤獨自歎炎燠總因甘旨計求名垂垂老雖然盡孝思未免形枯燥我唱百年歌心香頌默禱

我學近時文不敢遽潦草今歲五月中忽聽有歸鴻
長跪讀父書委曲訴深衷云兒久不見望之目已窮
思兒若飢渴惟有夢魂通命兒登程途休教父言空
我母閱此信眉皺覺愁攻大母聞此言驚怖若癡聾
勉力苦相勸轉喜色和融卽日治行裝送我上船篷
丁寧又諄囑及早返浙東安敢再畱戀拜罷去匆匆
長途炎暑熾無恙感神功跋涉經卅月今日始停驄
子舍非旅次漫題別離字整衣拜嚴親晨昏得歡侍
喜值晚風涼開尊蒙賜詢及家園事一一詳細致
垂問征途苦備述行役始親心旣獲歡游子免愁思
補過山房詩鈔

卷一

三

今日聚天倫未必非天意

游龍興寺

當年黃角卽龍興大抵英雄半是僧寺內遺蹤勞想
像山前王氣望陵嶂

寺內有明太祖遺像

游來祇覺塵緣斷到

此何妨逸興增悟徹祇園談佛法一天涼雨伴疏燈

夏日奉陪鄭樵風夫子錢冠五表叔李東陽中

表登觀音閣納涼

暑氣蒸人苦不禁同探幽壑到禪林蓮花座下香生
袂修竹叢中翠染襟十萬稻田新兩足三千法界白
雲深清涼似此眞堪賞好約山僧結社吟

秋晚龍興善門望雨

阿香喚起響長空
滌我塵襟感化工
一幅秋容雲黯黯
數聲梵韻雨濛濛
迷離古樹橫斜際
隱約荒村指點中
回首禪林天色暮
佛燈掩映更鮮紅

賦得明月照高樓

小齋兀坐志清幽
涼月迢迢上綺樓
蟾吐朱甍千戶冷
鏡開碧落一輪秋
人吹玉笛更初轉
曲譜霓裳夢欲游
解憶長安小兒女
可知此夜起新愁

賦得花深月到遲

小園風暖樹參差
何故晶簾待月遲
曲檻重重紅雨補
過山房詩鈔卷一
四
亂迴闌隱隱碧雲披
黃昏只覺香初動
重疊徐看影漸移
坐待晚妝明鏡裏
兼燒銀燭散相思

中秋苦雨二首

客路遇中秋
瀟瀟雨未休
蒹葭連野白
溪壑擁泉流
佳節無心賞
良宵不願游
倚闌回首望
何處是瓊樓
令節偏多恨
中秋月影遲
蛩聲吟砌夜
桂子落階時
鄰女彈琴瑟
詩人唱竹枝
不堪腸斷絕
蕭颯動幽思

送友人歸里卽席口占

今夕荒齋設夜宴
渾忘漏聲催曉箭
一尊濁酒暢心懷
詩情勃勃欲酣戰
可奈相逢未幾時
明朝分手空

畱戀階前梅萼甚知音也解相思飛玉片未知後會
在何年默對行旌情莫遣囑通魚雁慰遐思手把離
杯殷勤勸勸罷不禁淚雙垂天涯知己更有誰

秋郊閒步次錢冠五表叔韻

讀罷幽齋翠色摧清溪獨步意徘徊江邊紅葉隨風
落籬角黃花冒雨開檢點琴書閒裏對消磨歲月暗
中催漫將拙句塵高聽伫候知音倚馬才

九日偕諸友登高

九日呼朋續勝游登臨直上萬峯頭雲開楚岫千重
翠水接吳天一色秋落帽人歸情正遠題糕客去韻

補過山房詩鈔

卷一

五

難畱龍山風景依然在不在提壺互唱酬

喜雪次錢冠五表叔韻

同雲如墨布庭闈入夜清光接翠微古樹枝頭和玉
凍寒鴉背上帶瓊歸小園似約梅花發遠岸疑添柳
絮肥獨坐幽窗新得句且將樂意任毫揮

冬夜雜吟

朔風獵獵漏遲遲萬戶無聲夜半時小苑不嫌冬寂
寞月寒梅瘦兩相宜

紅爐坐擁不勝寒風雪蕭蕭夜未闌多少關山行旅
客可能高臥學袁安

原知作客不如家，慈命難違暗自嗟。此去燕臺風景好，上元燈火正繁華。

丙子冬隨霞峯三叔父謁選入都途次感述

未到歌驪早淚流，離情黯黯痛心頭。慵披別賦難爲別，急欲酬恩志未酬。車馬初諳長路味，風霜已領半生愁。年來春色探應早，漫向前途悔遠遊。

自慙蒲柳植春風，幸託慈巖庇蔭中。話到功名思鄧禹，讀來詞賦羨楊雄。竹林樂事征途悉，草情懷夢寐通。回首可憐孤雁影，數聲嘹唳向長空。

補過山房詩鈔

卷一

六

十六年華一霎過，青燈負我竟如何。未登雲路才原淺，墮入泥塗玷自多。舞劍光寒茅店月，拋書夢繞越江波。從今相望情無限，欲破愁懷且放歌。

衝寒又見雪花飄，宛似尋梅到灞橋。不信窮途多阮籍，果然幕府有班超。謂錢冠五表叔謀生漫說豪情湧，涉世

休教壯志消一路。敲詩風景好，江山擬作畫圖描。

泰安城樓望嶽

百尺危樓近九閭，幾回翹首暗消魂。地分齊魯黃河壯，天設山川泰嶽尊。漢柏秦松畱古跡，友風子雨伴晨昏。今朝不盡登臨意，何日披雲見帝孫。

渡黃河

九曲河源處處通，帆檣萬里趁長風。但看霧雨橫山際，時見蛟龍躍水中。估客浮槎行處險，征人破浪古來雄。熙朝永獲安瀾慶，深感當年大禹功。

宿任邱縣贈歌者王竹官

香肩如削盡溫柔，綠鬢初垂臉尚羞。若說無情情更好，殷勤爲我解離愁。
細覩芳容滿面春，琵琶彈動玉精神。當筵一唱邊關曲，喚醒邯鄲夢裏人。

都門旅館同錢冠五表叔夜坐感興

補過山房詩鈔

卷一

七

作客長安事事難，米珠薪桂累盤餐。乍離鄉國魂應斷，日共高人念少寬。窗月凝輝光似玉，燈花報瑞豔如丹。嘉祥已叶來年兆，同向雲霄振羽翰。

都門戴紉齋選拔見懷次韻

異鄉難遇故鄉人，况復同儔氣味親。都爲勳名來日下，豈甘旅客戀風塵。羨君志大無歸計，笑我官微不繫身。轉盼秋風雲路闊，祖鞭振作舊精神。

遊小有餘芳

久聞此地勝平泉，信步遊來別有天。近水欄干多臥柳，臨風池沼半栽蓮。青含遠樹蓬萊色，香裊輕絳

御殿煙若是主人能愛客餘芳借我伴花眠

遊陶然亭

提壺挈榼幾番游未到登高願已酬十萬樓臺雙闕
聳三千雲樹一窗收形骸放浪無拘束詩酒疏狂任
去畱此際瞻依原有意不知何日拜宸旒

都門旅館除夕

連日思家切何當歲又除嬾斟今夜酒盼到隔年書
往事猶全憶離懷總不舒宦游從此始僕僕竟何如
丁丑元日招集同人小飲

大地春回早梅花又見新一尊元日酒千里故鄉人

補過山房詩鈔

卷一

八

瑞氣來瓊島祥光接紫宸文章同報國何日展經

綸

寄妹

遙望江南路渺漫幾回搔首淚偷彈客中怕讀池塘
句夢裏還承菽水歡我逐紅塵違色養君傳芳訊報
平安半年旅况遲遲答總覺書長下筆難

錢冠五表叔袁景岳招飲同慶樓

停車酒肆話高風多少衣冠聚此中滿耳笙歌聽不
絕夕陽人醉一樓紅

出都二絕

讀書未就強謀官欲學劉蕡亦自難親老家貧慙捧
檄一鞭車馬出長安

莫歎官微到白頭班超投筆尙封侯何須旅邸嗟遲
暮壯我胷懷正此遊

過楊椒山先生墓

蔓草寒煙鎖墓門空悲風雨伴黃昏殺身不向吳中
隱埋骨應銷塞上魂一點丹心輝日月千秋浩氣壯
乾坤當年曾讀先生集猶記青衫滿淚痕

次良鄉旅壁韻

觸我愁懷繫我思年來何苦學奔馳滿腔離恨誰能

補過山房詩鈔

卷一

九

識輸與官橋楊柳知

邯鄲驛

半載馳驅倦客遊邯鄲道上歎淹留今宵不作還鄉
夢何用先生假枕頭

清風店

明月清風店號新門前車馬響粼粼笑他終日招來
客盡是名韉利鎖人

過硤石

秋風秋雨淡空山石徑欹斜手共攀童僕不須愁路
險崎嶇歷歷盡到函關

汴梁懷古

汴京遙望鬱嗟峨，弔古傷今感慨多。
未見吹臺淩碧漢，空餘博浪枕黃河。
平原衰草秋聞笛，樂府新詞夜放歌。
一寺至今畱勝蹟，好將成敗問羅摩。

宿觀音堂

遙望禪堂夕照邊，疏鐘杳杳出秋煙。
空山落日橫牛背，古堞西風撼馬前。
烏相丹楓聊遣興，黃齏白酒漫相憐。
客途滋味今嘗徧，倦假僧寮對佛眠。

過靈寶縣

孤城隱隱倚層巖，想見當年寶氣銜。
隔岸河聲分雍

補過山房詩鈔

卷一

十

豫遙邨山色界嶠，函傳經授術人何處。
得道飛昇客不凡，我欲探窮千里目。
不辭風露溼征衫。

宿盤頭次壁間韻

寶馬香車汗漫游，征鞭乍喜駐盤頭。
憑臨形勝曾懷壯，獨領風霜氣味投。
一角好山陰晦捲，數聲殘笛晚煙浮。
新豐咫尺無多路，買酒何妨作醉侯。

入關有感

學書不成去學賈，學賈不成到秦土。
潼關自昔鎖咽喉，勢若蟠龍雄若虎。
當年爭戰誰無聞，非獨英雄能用武。
輕車逾上山逾高，百轉黃河捲洪濤。
殺氣騰騰

天昏黑飛沙走石怒風號半生跋涉真難解秋月春花朱顏改底事堂堂一丈夫終歲飄零游四海

望華山

太華高無極巍然聳碧空羣峯爭險峻疊嶂更豪雄
玉女益銜日仙人掌避風驅車山下過蒼翠落胷中

曉渡渭河

茅店雞鳴後荒郊月未殘華山迎面遠渭水照人寒
地暗霜華白林深楓葉丹渡頭風信早送我到長安
秦始皇廢陵懷古

鳳凰原上長青蕪宮殿傾頽歲月徂秦代至今千百

補過山房詩鈔

卷一

十一

載行人到此猶歛歎當年華清驪山畔遠接阿房光
燦爛嬴政構造費深思引來渭水象天漢樓閣參差
數步間輝煌直映青梧觀美人如玉更如花趨侍君
前同魚貫歌聲宛轉奏霓裳錦瑟朱絃隨意按通宵
珠殿燭光明鐘聲竭來直達旦人生當此樂何如日
想遐生慎起居爲求神藥遣入海徐市一去數年餘
眞仙未遇期不見忽然山鬼將璧獻霎時一代帝王
軀化作黃土葬郊甸金雁銀鳧兩杳然惟見麒麟血
長現繚垣頽盡秋草荒古瓦剝落無一片我今弔古

鹿槽旁幾回嗚咽感興亡

驪山懷古

鸚鵡何須問上皇秦宮漢闕久荒涼朝元閣下生秋
草丹鳳樓頭挂夕陽渭水幾番流戰血阿房久已變
滄桑祇今寂寞驪山色估客回頭也斷腸
松柏依然逐歲新如何圖治久沈淪金仙去後誰辭
漢漁父來時不避秦流水送殘宮殿影落花傷盡帝
京塵青山眉黛還如故底事君王不耐春

灞橋感懷

碑殘碣斷晚煙迷剩得垂楊拂馬蹏不見宮車來輦
道空餘衰草臥沙隄離情慘淡悲游子生計蕭條念
補過山房詩鈔

卷一

七

病妻嗚咽怕聽橋畔水年年送客夕陽西
纔過驪山又灞橋行行不覺黯魂銷三秦王氣歸殘
土一曲悲歌喚碧霄極目終南雲靄靄驚心長樂雨
瀟瀟那堪更聽陽關曲動我離懷感慨遙

初至青門旅邸書懷

我本山陰太瘦生爲營祿養到西京行來儀禮心先
赧聽到官箴夢亦驚座有琴書聊慰藉門無車馬少
逢迎牛衣獨擁蓬窗下慙愧林間出谷鶯

長安今古困窮多日坐蕭齋喚奈何弱歲陳言慙賈
誼髫齡挾策羨甘羅前人慣抱凌雲志旅客徒成下

里歌幸遇名師頰指點謂翁與雲太守 露來化雨細

吟哦

才本疏庸造就難今朝深悔棄儒冠縱然養就三宵
翻未必能從萬里搏陸海田園猶宛在漢朝宮闕久
傷殘關中自古垂動地多少英雄立將壇

簪纓滿目氣如虹當道驂驪迥不同早識疏狂遭忌
諱何妨淡泊任窮通平生有志原非薄少壯無成總
覺空倘得雲泥霑厚澤錦衣歸去醉春風

題陳太夫人小照

慈母年登七十餘賢哉闔範有誰如階前玉樹森

補過山房詩鈔

卷一

三

立寶婺星明現太虛

教子成名母則全欽聞淑德頌聲傳而今又得含飴

樂古柏青桐伴暮年

題美女撲蜨圖

深閨繡罷意如癡庭畔無人若有思粉蜨雙雙情脈
脈手持紈扇撲來遲
良辰美景豔陽天無限韶光在眼前暗逗春心雙鳳

子齊紈輕拂惹情牽

答徐洪如處士

芸窗分袂意纏綿長日迢迢小似年詩思幾同霜月

瘦交情更較雪梅妍知音千古相逢少結契三生早
訂緣聚日無多離別速情牽兩處最堪憐

贈胡翠峯茂才

夙契神交雅意將無殊沉芷澧蘭芳羨君豪氣張文
幟愧我閒游載錦囊如此知音相聚少偶然得句寄
情長小齋惆悵良朋別何日追歡再舉觴

補過山房詩鈔

卷一

十四

補過山房詩草

古越潘峻愛農氏稿

男清恭校字

秋夜不寐

秋宵無寐自徘徊更鼓沈沈畫角催月色偏從窗外
入鴻聲直向枕邊來事非閱歷難言達書見平安急
欲開

是日得家書

燒燭夜深清興遠碧雲如水漲庭槐

桂

蟾光次第耀秋暉萬斛清香下翠微金粟每從雲際
落瓊枝長伴月中菲芳姿獨占千林秀玉露輕揮一
夜肥仙斧曾攀鵬路客廣寒深處折花歸

補過山房詩鈔

卷二

一

老年

葉葉枝枝色自鮮闌干小立獨欣然嬌承玉露還童
體瘦倚金風駐大年乍換紅衣重映日輕翻紫蓋欲
擎天莫嫌冷落空階上相伴黃花晚節堅

丁丑重陽紅埠園賞菊分韻得陽字

寂寞荒園冉冉香輕煙細雨報重陽疏枝消瘦花三
徑冷豔凌寒客一堂誰送白衣門外酒故添青女夜
來霜欣逢佳友酬佳節何必登臨逸興忙

次胡翠峯茂才贈韻

徙倚幽齋未輟吟來詩真見故人心相思如訴情何

極良觀無由恨更深落月停雲千里夢高山流水一絃琴
睽違咫尺緣慳盡坐使拋軛待玉音

梅英館看月

金鏡浮天素影圓蕭疏碧樹倚庭前蟾光皎皎凝香露
皓色亭亭出暮煙愁斷佳人寒玉臂思因羈客寄紅箋
夜闌猶倚晴窗望無限相思託雁傳

書所見

繞砌苔痕浥雨鮮閉門卽興賦新篇閒尋墨蹟聊濡筆
靜悟琴心不上絃雁字秋高情脈脈魚書浪遠恨綿綿
回思鑒水風光好買棹何時趁畫船

補過山房詩鈔

卷二

二

客窗小雨

霖霖幽窗下微涼趁曉看半階新漲起四野遠煙寒
斜影風前織圓紋水上瀾乍醒欹枕夢恨別故鄉酸
秋暮方伯檄委興安辦公曉發子午鎮

怕入蠶叢道難辭此一行寒風吹古戍殘月照荒營
路斷千峯合橋懸一木撐烽煙經久息底事尙魂驚
自秦嶺至夾嶺

躡足上危峯嵯峨幾萬重山深紅日隱寺古白雲封
地僻人煙少秋高客興濃草亭聊徙依遙聽隔林鐘

宿青山鋪

日暮晚煙浮荒邨
暫慰留途長人力倦
歲晚客心愁
秦嶺寒方盛
藍關雪正稠
勞勞行役苦
自笑幾時休

初抵興安

一水通吳越
風帆日日張
波涵三輔月
樹帶九秋霜
背郭人家遠
臨江市鎮長
金州遙在目
馬首辨蒼茫

雪

燈花墜落曉光明
一片瓊瑤一望平
漠漠遠天帆影
重迢迢瀚海旅魂驚
映來書案精神爽
沁入詩腸氣
味清吟罷小窗閒
踏去梅花何處暗香生

丁丑冬奉委赴浙便道歸省途次寄呈關中諸

補過山房詩鈔

卷二

三

友

佳章贈我感同盟
唱罷驪歌出渭城
華嶽有情沿路

送潼關無阻任車行
計來臘酒稱觴日

臘月望後一日恭植家

大母壽期

正是梅花報歲更
不識天憐游子否
肯教賒與

一冬晴

歸途漫興

終南雲物送征鞞
回首西京漸渺漫
驢背小詩吟杜
曲酒邊短燭話長安
百年上策還鄉好
千里長途行
路難此去家園無限樂
椒觴柏酒喜承歡

到家

小鬟一見喜如飛爲報關中客子歸大母聞聲疑夢寐雙親含笑破愁圍糟糠盡孝心尤苦弟妹承歡志未違我進百年延壽酒願求王母應春暉

戊寅春

家大人就聘武林由江左隨侍赴杭

人當喜極反生愁又見梅花送客舟行色羌逢春二月離懷難忍淚雙流途長幸得親強健境好無如我遠游未到西湖先悵觸最傷情處柳絲柔

回里掃墓

一夜浮航到若耶鄉音聽處喜無涯家堂久別難言

孝廬舍無存實可嗟古塚僅存松柏樹青山惟有杜

補過山房詩鈔

卷二

四

鵲花童孫拜罷頻嗚咽紙挂墳前淚滴沙

哭元配錢孀人

我甫垂髫卿妙年畫眉猶記洞房先

予係姑表聯姻內子自幼相依

男氏姻聯姑表情何厚孝侍椿萱愛倍堅原想牛衣相

對臥豈期鴻案竟相捐白頭太母傷情甚話到酸心

輒涕漣

結襦三載別離多辜負銀橋客裏過花誥未封徒自

愧鴛鴦頓失奈天何情深奉倩恩如海痛劇妄仁淚

欲波強作笑顏權慰母那堪重聽屢屢歌

戊寅八月初三日由濠梁赴陝辭親就道慟哭

整衣拜罷淚涔涔欲別遲遲痛恨深回首幾忘天色
暮斷腸祇覺血痕侵眞慙世上遨遊子不及林間反
哺禽此後征途逢雨雪倚闥慈母更關心

留別季父霞峯公

十年猶子共居諸尙記篝燈夜讀書藝苑芳聲難繼
美竹林樂事漸消除驪駒未唱魂先斷犀角頻誇媿
不如珍重來年春色豔莫因家計困田廬

旅懷

默鈴鎮日響丁璫日極長安路渺茫迎面怕逢寒夜
補過山房詩鈔 卷二 五

兩驚心又見早秋霜愁來往事重重記過去繁華脈
脈傷敢謂無才材自棄雙親期望實非常

十月重抵長安

歷盡崎嶇興未闌今朝又到古長安三遷喜事聞良
友十月梅花謝長官 時西安鄧嶠筠
太原惠梅數種青鳥情殷連日
至春鴻信杳隔年看 友人代予作伐時已稟商
家大人尙未奉到復諭愧余

不是吹簫客何幸雲間引鳳鸞

聽雪次曹載南少府韻

一樣霏霏響碧空聽來疑雨復疑風深山著處松濤
合小院敲來竹韻通驚夢有聲聞寂寂入窗無力意

匆匆蘭煤挑盡詩人健側耳高吟與不窮

青門旅邸除夕

桃符隨俗換新鮮旅館羈棲亦有年爆竹聲殘催臘
去梅花影瘦待春憐思親頻夢家千里憶友曾題詩
一編今夜無聊難守歲且拚尊酒醉安眠

己卯人日書懷

漫將令節溯高風且向街頭逐軟紅燈火不殊鄉國
盛梅花頗與故園同稽山翹首歸難卜濠水縈心夢
易通恰喜草堂新結構好隨流俗寄詩筒

青門偕陳曉堂貳尹春郊閒步

補過山房詩鈔

卷二

六

連朝正欲訪煙嵐恰喜春來好共探金馬門前人兩
兩少陵原上徑三三梅含宿雨風情淡天布同雲雪
意酣何日與君重踐約好沽邨酒話江南

曉堂江
南人

哭妹

雁斷南天正憶君忽傳凶耗阿兄聞含悲獨對關中
月揮淚頻看江左雲

妹櫬現
厝濠梁

一別豈知成永訣百年

從此竟長分更看寂寞庭闈內坐使雙親痛倍殷

荆花一樹晚風凋欲覓冰魂賦大招愧我年華當弱
冠憐君玉貌正垂髫生來至性純無比頻遇凶年孝
更昭此去九京逢阿嫂爲言家計日蕭條

春日游杜陵原望樊川

旖旎春光劇可憐
杜陵芳草綠如煙
樊川回首雲環處
翠色重重別有天

春郊無日不芳菲
滿眼鶯花接翠微
果信曲江風景好
瓊林宴罷探花歸

古寺清幽塔影斜
綠楊陰裏駐香車
美人也愛春光好
都到牛山玩物華

少陵原上望平蕪
嫩綠嬌紅錦繡鋪
兩岸桃花臨碧水
樊川更勝輞川圖

春日陪曹載南徐洪如施克全余琴泉游樊川

補過山房詩鈔

卷二

七

杜子祠各成五律二首

莫歎荒祠冷
登臨興未休
鶯花三月麗
風景四時幽

百代文章在
千秋翰墨留
名賢延賞處
我輩復遨遊

自昔推詩聖
高風不可攀
芳名留史闕
雅集見牛山

少陵集中有牛頭山詩

寂寞吟魂冷
悠悠梵韻閒
江頭花信發

仙境絕塵寰

諸友邀往白龍灣觀會竝看煙火卽景有成

花柳三春幾度攀
又看勝會白龍灣
笙歌迭奏驚飛鳥

臺閣爭奇舞小蠻
人曳輕衫遊紫陌
蜨隨紅粉逐

金環三唐遺迹繁
華甚煙似鼇頭火
似山

假山

疊石裝成近竹間玲瓏聳出一卷山移來只覺雙峯
近載去應從五嶽還溼翠何嘗無雨髻浮光亦自鎖
煙鬟臥游勝似峩帽去更鑿清池碧玉環

花欄

小圃清陰綠樹遮深紅淺碧種名花三三徑裏幾番
信曲曲欄前一片霞只恐臙脂和雨褪偏憐嬌嫩怯
風斜憑看雙螭蹁躑舞卍字縱橫舊夢賒

落花

可憐一雨洗鉛華色相全空暗自嗟滿地餘香誰管
補過山房詩鈔 卷二 八
領半池清影任欹斜頻聞嗁鳥鳴紅榭不許游蜂到
碧紗此別知君無限恨况隨流水客天涯

惜春

連朝閉戶苦吟詩惆悵春闌感不支但覺落花飛片
片不堪長日影遲遲離情欲向風前訴別緒徒增雨
後思蜂蝶也知憐惜意故來庭樹戀空枝

賦得綠樹陰濃夏日長

半掩柴門半出牆綠陰深處有餘涼幾叢槐樹參天
密一院松花落地香漸見白雲生几榻徐看疏影入
池塘畫堂寂寂簾垂地小困拋書午夢長

團扇

巧剪輕羅製素紈，攜來燈下影團圓。
深閨撲蝶香風軟，小院驅蚊玉露寒。
合作菱花供繡閣，休當桂月倚闌干。
知君本是趨炎客，莫待秋來冷眼看。

午日懷屈賈二子

閒居常閉戶，令節思鄉土。
比戶開蒲觴，習俗插艾虎。
惟我客天涯，無心賞端午。
默坐讀離騷，憶及湘江浦。
古來忠義人，慣爲嬖蠱縱。
懷王佐才洒，落輪漁父都。
因執意偏遺，恨成千古嗟。
哉長沙客，弔屈徒自苦。
知人不已知，莫歎無明主。
空上萬言書，欲作三公輔。
補過山房詩鈔 卷二 九

白蓮

何以銷我憂，瑤琴一長撫。
今觀二子心，忠餘志甚魯。
無懷太上民，終日不出圃。
曾向祇園佛地來，法雲何處剩空臺。
修成淨土先無色，迸出汙泥豈染埃。
十里香風吹不斷，一般粉面爲誰開。
可知當日凌波趣，相對忘言未肯回。

松鍼

亭亭古幹色，長春葉秀如鍼。
最愛人柳線穿來宜弄巧，苔衣縫去倍翻新。
何堪刺繡供香閣，未許垂鉤釣水濱。
百尺蒼鬚巖畔立，更經霜雪獨精神。

暑日間詠

沈李浮瓜候幽窗
酷暑蒸閒吟思若水默
坐意如冰酒向風前酌
蚊從雨後增追涼惟繞樹
池畔暗香凝

夏夜納涼

清風吹兩腋漸覺晚涼侵
蛛結檐前網蟬調樹上琴
星明千嶂寂月落半庭陰
坐久渾忘倦悠悠物外心

新秋雜感

梧桐一葉報新涼
小立空階雨色蒼
雲物已隨商節換
風塵誰識僕夫忙
幾回夢到家山遠
無限愁添客夜長
何處園林敲玉露
聲聲砧杵斷人腸

補過山房詩鈔

卷二

十

雨中筆記

細雨廉纖恨不晴
檐前滴瀝響繁聲
看懸竹榻欹方枕
怕溼珠簾繫玉楹
一點孤燈添客思
五更殘夢繫鄉情
欲澆塊壘愁無酒
聊詠新詩寄友生

月鏡

雕欄斜倚晚風前
又見當空寶鏡懸
粉面窺來光皎皎
冰匳開處影娟娟
相看雲葉都含彩
靜對菱花莫問年
好是姮娥妝點後
清光分外動人憐

夕陽

積雨初晴夕照低
半窗斜入影淒迷
染成絳色翻鴉

背散作紅塵送馬蹏無數歸帆蘆岸裏一聲殘笛板
橋西麥塍喜趁餘暉在急借春鋤斲凍泥

重陽感興

斜風細雨菊花天縹緲雲山生野煙客裏重陽愁裏
過閒中歲月醉中遷登高每見羣峯小遠望徒教百
慮牽極目鄉關何處是音書思託塞鴻傳
花發東籬滿院香一天風雨屈重陽樽開菊徑思良
友稻熟柴門似故鄉落帽舊歡何處續題糕往事未
能忘登樓極目渾無際回首家山幾斷腸

秋暮思親

補過山房詩鈔

卷二

十一

荏苒流光秋又闌久疏音問報平安天涯游子思親
淚滴向空階起暮寒

感舊

玉釵敲斷痛難禁欲覓芳魂何處尋孤館那堪連夜
夢妝臺空剩百年心早知負負成虛願何必依依入
苦吟畢竟愁懷拋不去涼宵惆悵對瑤琴
秋礎絡繹助淒涼愁絕仙山路渺茫夫壻似儂原不
惡閨門如子最難忘聽來官鼓更三點續到鸞交淚
幾行期近新昏添舊恨薄情到底屬蕭郎

長安催妝詩

秦樓甥館指長安

時表父任長安令

多少紅顏帶笑看慙愧

少年經兩度一分愁思一分歡

喜得今朝贅入秦早將消息慰雙親紅燈照澈金錢
豔羨煞催妝玉籍人

良辰正值嶺梅香一曲笙歌奏畫堂堪笑三千珠履
客齊聲都道好新郎

鳳管人賡祝嘏詞

合悉之期恭逢萬壽聖節

華燈十里影參差

天顏未覲恩先沐如此風光豈偶然

金清玉豔兩氤氳蘭麝飄來已半醺不步月宮先折
桂嫦娥未免笑郎君

補過山房詩鈔

卷二

十一

梅蘭菊竹四首

玉骨亭亭別有香不同紅紫媚春光孤根只合依泉
石鐵幹何妨傲雪霜久別含情尋舊夢故來索笑試
新妝古今多少高吟客獨讓江城句擅長

遠藏巖谷寄身安縱費千金購亦難拋卻煙花甘淡
泊相依松竹共盤桓香生翠畹春長在露溼蒼苔夢
未闌誰倩東風驚覺後綺羅叢裏任君看

小院琅玕一色蒼半依瘦石半依牆頻看勁節凌霄
漢喜見平安報故鄉日暖鶯花成鄂杜夜深風雨夢
瀟湘與君相伴成知已縱使無言與亦長

東籬又放一枝枝認得孤標舊日姿
小院寒香聞雁夜疏窗風味擘螯時
天生傲骨誰能比秋到愁懷我獨知
沽酒欲招彭澤令向來花下語相思

曉起見雪

北風吹戶牖曉起雪飄飄色映乾坤別
花迷眼界遙連邨含潔白古木帶瓊瑤
獨有尋梅客騎驢到灞橋

糊窗

連日寒威重偷閒且補窗彌縫餘故紙
珍重護書釘差免嚴風入難教冷月降
齋頭頻整理塵網絕高龐

燈影

補過山房詩鈔

卷二

三

幢幢簾幕裏伴我意何窮鏡照雙輝綠
書攤一室紅虛堂寒料峭小院影朦朧
曾記冰霜夜相依助句工

雞聲

喔喔五更頭荒郊唱未休雄心頻起舞
蜨夢正優游遠寺鐘初動寒山月尚留
最憐羈旅客聽去更關愁

霜華

夜靜寒風冷清光接遠山嬋娟難鬪豔
鬢髮易成斑笳鼓嚴城急關河萬里閒
由他紅日上玉骨不容刪

爐火

得君依傍久勝似到朱門漫說虛堂冷
籠生斗室溫

呼童尋茗椀款客倒芳樽風景三冬好薰香細品論
試香

古鼎靜摩挲寒齋氣漸和未曾拈鳳餅先已夢鑿坡
篆結心頭字煙浮眼角波圍爐聊寄興燒人博山多
除夕口占

天逢歲暮光陰短客遇殘年感慨長記得童時過除
夕問娘先索好衣裳

補過山房詩鈔

卷一

古

補過山房詩草

古越潘駿愛農氏稿

男清恭校字

庚辰元旦試筆

天雷雨雪尚瀟瀟但覺風光逐歲遙
白板朱門多半掩紅箋彩筆未全拋
童心漸退驚腰鼓春意新融引
洞簫慙愧毛生初捧檄也隨鷓鴣賀芳朝

春日長安官廨書懷

得意琴書放眼看十分春色到長安
經年已作離鄉客弱歲聊爲擊柝官
怕看慈親衣上線喜交良友室
中蘭終軍得遂請纓志萬里風高雲路寬

補過山房詩鈔

卷三

一

約友不至

春雨連綿樹色蒼停雲意緒實茫茫
可人相約成虛話一砌名花伴草堂

階前雨滴到天明長夜相思無限情
憶昔小齋談詠樂今宵孤月照三更

春日漫興四首

春陰時節最銷魂散步郊原眼欲昏
裊裊煙籠楊柳渡霏霏雨溼杏花村
鶯爭暖樹寒初薄燕啄香泥語
尚溫對此韶光遊不倦畫船又喜酒盈樽

野田春水碧粼粼郭外風光迥絕塵
布穀更經新雨

後賣花猶喜舊芳辰流鶻往事傳鄉土修禊風流憶
晉人小立橋邊憑眺望湖山相對足怡神

霏霏小雨嫩寒初草色遙看綠漸舒偶爲尋芳來郭
外何妨沽酒醉村墟鳥啼花落春風地水隔橋通隱
士居惟到年年寒食節綺筵開徧綠莎渠

春郊連日喜陽和載酒攜琴幾度過對景渾忘身是
客舒懷便覺語成歌村前遊女如流水山後嘯鶯似
擲梭最喜杏帘斜插處呼朋同作醉顏酡

長安竹枝詞

閨中少婦愛春遊碑洞原來作虎邱笑煞老僧忙未
補過山房詩鈔

卷三

二

了手敲鐘鼓不停眸

杏紅衫子最鮮明不坐香車愛步行露出金蓮三寸
好人前故意學輕盈

十三嬌女踏青陽也學吳姬巧樣妝車上低聲詢女
伴人間何物是鴛鴦

南轅門口好花燈結伴同遊喜不禁妹愛鉛華儂愛
雅一齊腰下解黃金

西湖園畔石欄干坐滿紅妝共笑歡搖蕩心旌頻注
目春花願與路人看

三唐雁塔最稱雄偏有遊蜂聚此中滿樹桃花誰管

領劉郎相對笑春風

柳

明媚春光正及時長亭送客繫人思一年三月隨風
轉萬縷千條著雨垂倦眼乍開聞信早舞腰無力起
眠遲臨流結翠迷煙碧牽惹深閨怨別離

庚辰清明偕沈鳴鑾陳鳳洲諸同人遊牛頭寺

卽景

緩步郊原孰後先禁煙時節嫩晴天數峯勢對凌雲
閣一澗聲流吸雨泉曲徑花香迷倦客深林晝靜坐
枯禪此中已出塵凡界何必三山訪列仙

補過山房詩鈔

卷三

三

賦得春江花月夜作長古一闋

韶華天氣芳郊暮柳暗花明近水路當空皓月更多
情送客乘舟遊古渡夜闌漸覺少人行芳菲滿眼汀
沙素此時一望動幽歡岸芷汀蘭似雲布濃淡參差
分外明四圍山色相迴護春宵自古值千金瞬息光
陰莫虛度清風頻送煖香來紅妝窈窕臨江住空明
遠泝擊蘭橈飄飄欲仙幽情注輕舟盪到淺蘆邊驚
起夢中雙宿鷺一聲高喚上層霄堪羨凌雲誰羈寓
古來隱者畱其名膏肓泉石有真趣我今對景足怡
神勉索枯腸聊覓句吟罷不知玉漏沈但覺衣襟溼

微露雷戀江干酣夜遊幾回欲發懶移步歸來獨自
坐齋頭樂哉遊乎堪一賦

春日久雨

密雨霏霏漲遠天不堪春夜總無眠枕邊漸聽聲初
斷窗外還聞響復連絕少花光烘曉日空餘柳色重
寒煙安排蠟屐愁泥滑深巷應添賣杏錢

春日感懷

韶光輕淡最宜人遊子虛逢萬象春南北一身常作
客鶯花滿眼倍思親雲衢無計隨歸雁風信頻番望
錦鱗料得高堂娛暮日誰知千里淚霑巾

春過山房詩鈔

卷二

四

春日重經驪山

憶昔初經日疏楊臥翠微今朝重過此春草送晴暉
風片催花落雲根茁筍肥驪山仍是昨獨歎世情違
落梅

何事飄零早殘英滿石叢香飛明月動花落暗泉通
寂寂冰魂冷悠悠鶴夢空誰家吹玉笛樓對一江風

首夏

每到春闌百感生棟風梅雨半陰晴當檐乳燕穿簾
影傍砌新篁解籜聲漫檢琴書消永晝且沽樽酒破
愁城小窗畱得餘香在詩思爐煙一樣清

送李芝亭大兄赴粵東

棘院相逢喜識荆，纔聆警欬慰平生。芝蘭氣味應投我，冰雪胸懷獨羨卿。蓬矢桑弧男子志，旗亭樽酒故人情。三山八水遙相隔，千里同看夜月明。

長安旅邸思親

拜別高堂獨遠遊，征衣常看線痕留。爲求微祿供甘旨，致使深恩歉報酬。十二峯前春欲暮，余里有翠峯十二頂三

千里外月同秋。良緣得遂遷喬志，迎養天倫樂未休。

次胡翠峯茂才贈韻

惠我新詩錦作章，河梁迢遞斷人腸。盃薇欣對生煙

補過山房詩鈔

卷三

五

玉焚鴨沈吟有韻，香作客憾榮花信。徧思君情繫柳絲，長夜深燭炮成殘夢。夢覺猶然各一方。

和姜小珊少府贈別原韻

未別先慙悴，何如去後思。舉鞭魂欲斷，折柳憾輕離。作客三千里，懷君十二時。途中逢驛使，即便寄梅枝。

燕剪

衝煙冒雨渡湘江，兩尾輕開返舊邦。翦破春愁情縷縷，驚殘午夢語雙雙。霓裳試舞穿花徑，玉羽低飛傍釣矸。自是主人多愛惜，香泥銜過碧紗窗。

庚辰重午

榴花角黍鬪時香，令節天涯感慨長。
碑讀曹娥懷孝烈，魂招屈子弔忠良。
江邊簫鼓龍舟渡，屋上旌旗虎艾揚。
喜值開樽新雨後，一番涼意入詩腸。

輓喬運齋太守

太守金陵名孝廉，也已丑同客京師晨夕聚。
首相得甚歡，是歲夏余捧檄赴秦，往別太守。
安然無恙，秋初青門旅邸，聞其溘逝，不勝驚愕。
詩以哭之用，誌友生之感。

金臺判袂甫三旬，不道訛言竟是真。
自古難逢豪俠士，從今漸少腹心人。
嗚痕我溼青衿舊道貌，君添白髮新撒手紅塵歸去早。
竟無一夢到西秦。

補過山房詩鈔

卷三

六

高山流水伯牙琴，千古佳談說到今。
悲感那堪思往事，酸辛容易動哀吟。
官分貴賤難言友，迹判存亡總一心。
世路茫茫天地闊，精魂何處弔知音。

六月十四日齋中苦雨有懷嚴慈

客中霪雨久蕭館，繫人思樹色侵窗。
暗泉聲共漏遲挑燈懷故舊，看信念嚴慈。
千里江南夢難忘，拜別時苦熱不能寐。

赤雲如火簾生煙，夜短無風入帳前。
怪道近來鄉夢少，一宵只有片時眠。

新秋卽事六首

梧桐小院月朦朧好事多來夢寐中今夜獨眠能貼
席西窗吹進一樓風

炎涼世界一宵分唧唧蛩聲入夜聞向見秋雲嫌太
薄而今轉覺愛秋雲

牀頭影射月光寒暗數更籌漏已殘最是秋聲聽不
得朗吟斜倚玉欄干

鎮日思秋秋思多秋光畢竟奈人何閒來蕭寺觀僧
弈世事如棋信不訛

海棠花下納新涼染得羅衣兩袖香花白斷腸人自
補過山房詩鈔

卷三

七

感不知何處有秋光

傷懷不獨秋時有題罷秋詩口欲緘莫爲傷秋秋早
去好畱秋月伴歸帆

破扇

摧殘骨相可憐身書畫模糊不計春出入君懷莫輕
棄新時如故故如新

庚辰七月廿二日赴青石關任

飄零四載爲身謀方欲安閒又遠遊目極雲山家更
遠心傷湖海憾經秋風前落葉隨車滿日下浮雲吐
水流最是不堪南去雁一聲腸斷起離愁

咸陽懷古

又著征衫踏軟塵咸陽原上草如茵山川不改當年
色城郭曾翻幾代新鄴杜鶯花空渺渺長陵風雨尙
頻頻道傍古蹟知多少讀罷殘碑涕淚零

茂陵

茂陵西望雨瀟瀟一片荒蕪鎖寂寥天馬歌殘人代
改泉鳩事去淚痕消空餘華表埋秦土無復銅人立
漢朝行客不知興廢事幾回搔首問漁樵

武功道中

古蹟蕭條感易生不堪回首竇遊平白頭諫草畱青
補過山房詩鈔

卷三

八

史玉宇霜華伴素旌鶴唳空山聲寂寂人來荒戍意
怲怲武功遙指斜陽裏滿目風沙動客情

曉發岐山縣

冰牀鐵被夢難成又上征車帶倦行淡月疏星無限
意雄圖勝蹟最關情漫愁棧閣千盤路已過岐山五
日程底事客愁消未得孤燈影裏聽雞鳴

寶雞道中

幾回來往度陳倉霸氣全消古道傍石鼻城空餘蔓
草磻溪水涸臥垂楊煙迷大漠層陰結秋老深山細
雨涼西望秦雲連蜀棧不堪馬首辨蒼茫

入棧道

灘聲日夜急奔濤萬壑森森引興豪鳥語不聞千嶂
寂馬蹏直上亂雲高袞斜遠指連秦嶺關勢遙分接
漢皋自古陳倉天設險蠶叢兩岸聽猿號

益門鎮

颯颯西風響荻蘆又來棧道覽雄圖益門形勝垂今
古紫柏仙蹤問有無水複山重愁去馬天寒成冷聽
歸鳥高秋雲物傷懷抱况復題詩在客途

柴關嶺

嵯峩碧嶺險無窮一騎盤旋鳥道通隴樹蒼茫迷古
補過山房詩鈔 卷三 九

嶠棧雲繚繞撼秋風當關怪石如人立夾岸奇峯似
虎雄未放高歌先作愕數聲猿狖嘯長空

草涼驛

草涼來往幾停驂風景當年已飽諳灘吼似雷聲烈
烈山雄如虎視眈眈碑殘古驛人難問秋老深林客
少探傳說明皇曾駐蹕獨畱勝蹟作佳談

鳳縣喜晤景秋田明府畱飲公廨卽席有贈

相逢舊雨兩心投話到分離轉惹愁君本多情難忍
別雲纔出岫敢淹畱筵開官閣欣聯袂詩詠陽關怯
唱酬我有一言堪慰藉馮生此去不依劉

鳳嶺

鳳嶺何其高望之心忉忉直上無鉤梯兩手未能操
怪石生碧蘚古樹繡綠毛日月互虧蔽昏晝兩相撓
雲霧四蕩瀟虎狼雜猿獠行人經此地喘息多焦勞
僕夫學牛眠肩輿擬禪逃適時延竢久相顧盡束手
強作笑容言苦辛天不負末季重關防戎馬幾奔走
況我一肩挑馳驅何難有嶺上多瓊漿山下多美酒
但能努力行勿致落人後若解此中意毋待爾開口
欣然一齊應銳氣三尺厚頃刻上高峯人力實非偶
俯瞰兩當水奔流下騰吼仰視一尺天相離只八九

補過山房詩鈔

卷三

十

巍巍實大觀無再出其右昔聞周文王盛德徧山藪
鳳鳥集此間名垂永不朽下馬獨徘徊題詩不自醜
紫柏山謁留侯祠

祠宇清涼不計年萬山叢裏一神仙洞中松柏青長
在門外雲煙斷復連眼界空來花是屋心頭豁處石
爲田我今欲學留侯法苦被紅塵俗慮牽

曉過長橋

長橋柳色尙斑斑匹馬行來野興間百丈灘聲鳴棧
閣千重巒氣接柴關幾家燈火荒村裏滿日牛羊碧
草間最喜征途風景好紅蘆紫芋徧秋山

畫眉關

巖關直上遠峯低石氣空濛眼欲迷
匹馬衝來泥滑滑亂猿嗥罷草萋萋
難從霄漢登雲路慣向山崖步
月梯恰喜畫眉名字好誰人過此不畱題

雞頭關

回首高峯路百盤雞頭石級聳雲端
無人不說雄關險獨我偏當福地看
俯視褒城依落照遙瞻斜谷接層巒
今朝頓覺舒心目喜見良田萬畝寬

褒城道中

崎嶇歷盡快停驂風景遙知近漢南
沔水淒清聲不

補過山房詩鈔

卷三

十一

斷梁山蒼翠色長含秋深驛路輪蹄疾
霜染楓林客興酣回首層巒如畫裏
丹青幅幅勝拖藍

漢臺遠眺

臺高直聳碧雲端幾度登臨眼界寬
一派江聲欲枕聽四圍山色倚窗看
遺蹤不滅眞王氣古蹟雄稱大將壇
到此方知天地闊迢迢江漢自波瀾

八月初十日履青石關巡司任

忽忽駒光二十春顯揚無志悅雙親
求來薄俸聊供母說到微官轉累人
小小恩榮誇父老恢恢庇廕感天神
山衙清曠稀人跡日與秋花作主賓

夜巡雜詠四首

夜靜霜威重家家盡閉扃祇愁雙炬短未見一燈青
雀角銷無訟蟾華露有形溪橋頻指點風送嶺梅馨
敢說尋幽出衝寒夜正寒霜風刺皮骨冰雪壯胸肝
遠岸龍驚吹深林鳥宿安回頭憐僕老就地憇江干
出郭纔三里洋頭驛鼓催宵深寒料峭灘急水潑洄
野寺鐘聲動荒村月色開輸他田父樂高枕夢悠哉
官好無難事惟須順物情但能勤守職何必浪沽名
薄履經霜滑重裘入夜輕歸來天欲曙風骨有餘清

遊小南海次黃鑑堂明府韻

補過山房詩鈔

卷三

十一

和光渾俗幾經年攜手同參古佛前自是局中談世
界那將南國作西天消除塵念都能悟畧有名心莫
問禪見岸回頭須及早雲情水意不相連

新月紀詠

庭樹參差晚景幽一彎新月挂枝頭天西斜眺眉先
掃雲際初藏臉尙羞淚落闈人應有夢情牽久客亦
關愁更期十五團圓夜皎潔清光射斗牛

聞風

殘夜寒侵骨酸風擾夢時紙窗聲颯颯庭樹影遲遲
萬里嗟遊子三更憶舊知漏深聽戍鼓吹動故園思

懷友

不見三朝後相思輒復生青燈知往事皓月照離情
易覺關山遠難忘氣味清鍾聲驚客夢倦眼對孤檠
贈雲艇和尚

受戒禪僧一切除從今當得見眞如微塵不染猶非
淨萬籟無聲始覺虛君有因緣談佛法我無福命讀
儒書算來名利都何在好向源頭細問渠
利鎖名韉二十年征衣解下卽談禪依稀跳出迷津
外究竟難離孽海邊灑脫亟思除我相邀遊須得結
人緣鳶飛魚躍終嫌小水在重洋月在天

補過山房詩鈔

卷三

圭

賀孔蓋臣三弟花燭詩四首

灰飛葭管值佳辰隊隊笙歌引玉人銀燭高燒雲母
敞畫堂爭看鳳池春

孔雀屏開樂及時綠窗頻詠畫眉詩遙知俯耳低聲
語早願檀郎折桂枝

喜君宴爾兩綢繆帶結同心共白頭卜得來年熊入
夢螽斯長衍慶悠悠

薄宦羈棲山外山歎觀六禮祝多男更兼地僻鱗鴻
少未表芹私空自慙

除夕望家書不至

寂寞空庭歲又除天涯滯跡倍躊躇風光歷歷春將
至雁影迢迢信獨疏對盞懶斟分歲酒挑燈猶盼故
園書今宵多少關心事付與毫尖代一攄

補過山房詩鈔

卷三

古

2/4 160

